

Detencion relampago ayera mainta

Freddy alias "Locoman" sospecha di violacion y distribucion di pornografia

ORANJESTAD.(AAN): Tur clase di comentario tabata tin ayera despues cu a bira conoci cu autoridad a pone man riba algun amigo di Joran van der Sloot.

Manera ta conoci cu Joran tin cantidad di amigonan manera entre otro Deepak y Satish Kalpoe, Freddy "Locoman" y otronan cu polis tabata tin bista riba nan pa basta tempo caba, pero investigacionnan mester a wordo haci cu tur cautela pa evita cu sensacion di prensa internacional no stroba e trabao delicado y importante di polis.

Ayera e detencion di Deepak y Satish a cay manera un bom pasobra poco hende por a kere cu polis lo bolbe detene nan y hopi tabata tin e impresion cu e caso di Natelee lo keda sin wordo solucion.

Un di e motibonan cu a detene e dos rumannan Kalpoe, segun informacionnan di bon fuente, ta relaciona cu lo a wak nan e anochi ey den marduga no solamente pa e homber conoci como gardinero, pero tambe fuentenan indica pa e homber cu lo tabata jog (tabata core) den e area di Marriott.

Fuera lo a bin acerca cu aparentemente na momento cu e mucha muher Natelee lo tabata wordo viola, e rumannan Kalpoe lo no a haci intento pa para e violacion.

E puntonan mencionan lo a wordo treci dilanti hues y hues a dicidi di laga detene e dos rumannan y

mientrastanto ayera mes nan a bay sera na KIA.

Mientras e sospechoso Freddy Armatis Hernandez, kende bao di su amigonan e ta wordo yama alias "Locomen" cu tambe lo ta amigo di esnan mencion esta, Joran, Deepak y Satish, a wordo deteni tambe pasobra aparentemente e lo tin algo di haci cu violacion di un mucha muher.

No ta conoci si lo ta trata aki di un menor of mayor di edad y tambe e lo ta wordo sospecha di lo a distribui fotonan pornografico.

E caso lo bay bira mas interesante awor cu mas detencion a cay ayera mainta.

Aparentemente e detencion di Freddy alias "Locomen" no tin di haber cu Natelee te nan e momentonan aki pero lo ta nada straño cu investigadornan lo hasi poco preguntanan na dje relaciona cu e caso Natelee debi cu e lo ta un bon conoci of amigo di entre otro Joran, Satish y Deepak. Riba e foto por mira Joran, Freddy alias "Locomen" y Deepak.



INDEXERING DI CAMPAÑA!!

HIGHLO, TA LOTTO DI FLORIDA BO A GANA?!

NO, NO, DEN CAMPAÑA BO MESTER TA SMART!! UNDA MI TA BIBA TA UN SKINA CAYENTA UNDA TUR POLITICO KIER PONE NAN BANDERA!! TUR SIMAN MI TA KIBRA E CONTRACT PA ESUN CU KIER PAGA MAS!!



BEST DEAL
PARADERA


BEST SHOPPING DEAL

Turibana Plaza

LAS AMERICAS

Pariba di Burger King
(Caya Grandi)

Carseat pa baby
SPECIAL



Deepak y Satish Kalpoe a worde deteni atrobe

Banda di cargonan relaciona cu Natalee, awor tin "otro" cargonan



Deepak Kalpoe aki ta worde hiba door di Polis.

ORANJESTAD(AAN): Weekend a start malo pa tres hende local, esta Deepak y Satish Kalpoe, como tambe un tercer hoben mas kende ta worde deteni door di Ministerio Publico.

Nan detencion a tuma lugar den oranan trempa di mainta. Pa aresta nan di nobo, mester tin prueba y informacion nobo, y aparentemente esey ta e caso tambe!

Diabierna mainta un batayon di prensa tanto local, como tambe internacional, a presenta dilanti di Corte, despues cu nan a hay e informacion cu Deepak y Satish Kalpoe a worde deteni atrobe.

Na prome instancia informacion tabata muestra cu no solamente e rumannan Kalpoe a worde deteni, pero dos sospechoso mas.

ABOGADONAN NA PALABRA

Tambe e informacion tabata indica cu Deepak y Satish Kalpoe, hunto cu un persona mas, esta un amigo di nan, Freddy Arambatzis a worde deteni, despues di acusacionnan di violacion den nan direccion.

Ora cu prensa a topa cu un di e abogadonan di Satish Kalpoe, esta mr. Elgin Zeppenfeldt, a puntra e abogado si su cliente a worde deteni pa algo cu tin di haber cu e caso di Natalee Holloway, el a nenga esaki.

Sinembargo el a bisa tambe cu e no ta compromete cu nan

ta detene su cliente, sin cu Ministerio Publico duna un splicacion of documentonan, pa muestra exactamente pakico el a worde deteni.

Despues di un rato DIARIO a topa un biaha mas cu Zeppenfeldt y a puntre kico e cargonan contra di su cliente ta, unda cu un biaha mas el a bisa cu e cargonan no tin di haber cu e caso di Natalee Holloway y ora cu a puntre si e cargonan tin di haber cu actonan sexual, el a prefera di no duna comentario riba esaki.

Sinembargo el a bisa si cu e no ta confia e asunto y cu e ta masha disgusta, pa e hecho cu su cliente a worde deteni y Procurador General no a duna e abogadonan e evidencia riba e supuesto acusacionnan.

DISGUSTO DI ABOGADO

mr. Zeppenfeldt a splica cu lo mas pronto posibel e ta bay Corte pa entama un caso pa haya tur e documentonan relaciona cu e supuesto acusacionnan nobo contra di su cliente.

El a bisa cu e manera cu e asunto aki a bay ta ridiculo, unda cu su cliente ta worde deteni y acusa di algo, sin mustre of su abogado e evidencia ("bewijs") y bo tin cu aparece na corte pa defende bo mes.

Zeppenfeldt tabata hopi disgusta ora cu el a bisa cu si esaki ta husticia, e ora ey Nancy Grace (presentadora Mericano na TV) tin razon,



CUATRO DETENIDONAN: Aki por mira d.r.p.d. Satish Kalpoe, Joran van der Sloot, Deepak Kalpoe, y Freddy Arambatzis.

ora cu e ta bisa cu nos systema legal no ta sirbi.


DIARIO a tuma contacto tambe cu abogado mr. Oomen kende ta representa Deepak Kalpoe, sinembargo e no kier a duna ningun comentario. DIARIO a purba di yama David Kock tambe, sinembargo Zeppenfeldt a indica cu Kock na e momentonan ey no tabata disponibel.

E abogado a splica cu e ta lamenta cu awor su cliente un biaha mas lo tin di bay sinta minimalmente 8 dia.

DETENCION DI OTRO AMIGO

Den oranan di atardi DIARIO a ricibi un boletin for di Ministerio Publico cu ta bisa cu e rumannan Deepak y Satish Kalpoe, ta deteni atrobe.

E boletin ta sigui bisa cu ayera den oranan trempa di mainta, polis un biaha mas a detene e rumannan Kalpoe a base di e sospecho cu nan a comete e mesun hechonan castigabel, esta



Freddy Arambatzis: "Locoman Pimp"

primeramente, hunto cu un of mas persona intencionalmente y premedita, kita bida di un persona.

Tambe nan ta worde acusa di intencionalmente priva un persona di su libertad, cu consecuencianan fatal y tambe hunto cu un of mas persona comete violacion. Banda di e hechonan castigabel aki, tin mas echo castigabel nobo, di cua e dos rumannan ta worde sospecha.

Na e momentonan aki e fiscal encarga cu e investigacion no ta duna comentario encuan to esakinan.

E comunicado ta finaliza bisando cu, pa por detene S.K y D.K atrobe, mester tin echo y circunstancianan nobo y cu esaki ta e caso tambe.

"LOCOMAN PIMP" TRAS DI TRALI

Pa loke ta trata detencion di Freddy Arambatzis, esaki a worde confirma, sinembargo te ainda e cargonan contra di dje no ta relaciona cu e caso di Natalee Holloway, mirando cu segun Ministerio Publico, tur detencion relaciona cu e caso, lo worde notifica na prensa, manera esaki a sosode y ta sosode.

Pues den e ultimo comunicado di Ministerio Publico, Freddy Arambatzis no a worde menciona, pues te ainda e no ta worde mira como sospechoso den e caso di desaparicion di Natalee Holloway, pero e ta deteni si riba otro cargonan.

Freddy ta e di cuatro persona kende ta aparece riba e famoso potret di Joran y rumannan Kalpoe den Carlos 'n Charlie's. Awor e potret por sali completo, y Freddy ta esun cu tin nan tur brazu.

Riba Internet, Freddy Arambatzis ta conoci como e number di "Locoman" y tin biaha tambe como "Locoman Pimp".

Segun fuentenan di DIARIO, banda di e hecho cu Deepak y Satish a worde deteni atrobe relaciona cu e caso Holloway, nan ta worde sospecha, conhuntamente cu Freddy Arambatzis di a comete actonan di violacion, unda cu un of mas victima a bin dilanti pa acusa e sospechosonan aki.

Mirando cu e abogado di e sospechosonan no tabata tin hopi gana ainda di papia mucho cu prensa, DIARIO a papia cu un otro abogado riba detayenan huridico, manera con largo Deepak y Satish por worde wanta awor.

Segun e abogado, e hecho cu nan a worde deteni entre otro pa cu e caso di Holloway y cu ultimo biaha prolongacion di nan detencion di 60 dia no a worde duna, awor si esaki por lo ta e caso.

Ora cu Freddy A. a worde deteni, tabata abogado Mohamed tabata na warda, pues e lo por ta esun cu lo bay representa e sospechoso aki, sinembargo mirando cu e ta un di e abogadonan di mama di Natalee Holloway, esaki probablemente lo no ta e caso.